

- Dem sich mein Hertz vnd Sinn zu eigen gantz ergibt
 Ist Gott/das höchste Gut/das ich vor allen achte/
 Das ist der Zweck/darnach zu Tag vnd Nacht ich trachte/
 Gott liebet vns/wann ihn nur wollen lieben wir/
 600. Er gibt auch/nicht geliebt von vns/ doch für vnd für
 Ursach vnd anlaß vns/das wir ihn lieben müssen/
 Weil erlost ohn Verdienst vns seiner Huld genießen.
 Der ist glückselig wol vor allen in der Welt/
 Den Gott der Herr liebt/dem Gott allein gefällt.
 605. Er ist/der vns geliebt/ehe wir ihn lieben können/
 Ja eh wir selber vns was gutes können gönnen/
 Vnd kommen in die Welt: Er hat vns drum erzeugt
 Daß er mit seiner Lieb vnd Gunst sich zu vns neigt.
 Vnd wann mit Liebe man/die Liebe soll belohnen/
 610. So soll man lieben Gott/der vns hat lieb gewonnen/
 Ohn seinen Nutz vnd Noth/vmb vnser Heil allein.
 Wann auch die ähnligkeit ein Ursach oft soll seyn
 Daß man einander liebt: So müssen Gott/wir lieben/
 Als dessen Ebenbildt in vns nochetwas bleiben
 615. Durch seine Gnad vnd Gunst: vnd wann Beschencke kam
 Die Menschen offemal auch zur Liebe reitzen an
 So muß man lieben Gott/der vns das alles schencket
 Was vnser Sinn begehrt vnd vnser Hertze dencket.
 Den liebt man billich ja/ der vns die Krafft verleyht
 620. Daß wir ihn lieben recht/der vns allein befreyt
 Von aller eitlen Brunst/der lieblich ist ob allen/
 Der so schön ist als gut/der allen muß gefallen/
 Der schön vnd gut zugleich ist/in Vollkommenheit/
 Der vns gepflanzet selbst: Man gibt zu jeder Zeit
 625. Dem wieder ja die Frucht/der den Baum erst gesetzt/
 Schawt drum was meine Seel am allerhöchsten schätzt/
 Wornach sie sehnet sich/was sie wünscht immerzu/
 628. Daß hier jetzt/droben einst/ sie Krieg' ihr heilig' Ruh.